



25. oktober 2023

UKA2023/71

## **Misigissutsikkut ikiuigasuartarnej pillugu apeqquteqaat aallaavigalugu oqallinnissamik siunnersuut**

*(Inatsisartuni ilaasortaq Doris Jakobsen - Siumut)*

Siullermik sammisaq pingaaruteqartoq pillugu oqallinnissamik siunnersuuteqartoq, Doris J. Jensen, Siumup qutsavigerusuppa.

Tarnikkut ikiuigasuartarnej nunatsinni assigiinngitsunik suliuniutaaginnarani aamma ullutsinni suliuniutigineqartarnera annertuumik takussutissakkut nittarsaaneqartarpoq TV-kut aamma Radiukkut allatigullu attaveqatigiittarfikkut.

Kisiali amerlanertigut annguffigerusutat, aammalu eqqugaasut tarnikkut anniaatitsigut tamarmik assigiimmik sullinneqarnerat kiap ataqatigiissaassanera suli eqqugaasup sullissisullu akunnerminni attaveqatigiittarnerannut ersarissaaneq anikitsuliornerut maluginartarpoq. Tamatumalu inunnut eqqugaasunut kingunerisai Siumup uggorai.

Uani nappaammik eqqugaasut peqqinnissaqarfimmiit sianerfigineqarnerminni imaaluunniit oqaloqatigineqarnissamik aggersagaanerminni pingaarnertut qanigisat aamma ikinngutiginerpaasaq, sanilerisaanik peqqinnissaqarfimmiit eqqummaariffigineqannginera inunnut eqqugaasunut anikilliornermik misigititsisartoq uangattaq misigeqqammerpara. Alla silarsuaq soorlu unillunilu periarfissaalusitsisoq, ataqatigiissaanera, ajorluinnartumik oqaluunneqartussamut. Taamaammat Neriuffiup illussaa Nuummiittoq qilanaaarput aamma tassani ilanngussatut ataqatigiissaarineq aamma tarnikkut ikiuigasuarnej annertunerusumik pilissammata. Eqqugaasunut ilaqutaasunnullu suliniut, pitsaasumik kinguneqarnissaa Siumup qularutiginnilaa.

Kræftens Bekæmpelse Københavini illorsuaqartoq, Siumup ilisimaaraa. Taakkuli periarfissanik annertuumik peqarput, ilinniakkatsigullu qaffasissumik peqarput ajornartorsiullu imaattoq tassa nutserisoqarneq oqalutseqarneq, aporfiusinnaasoq ilisimaaraarput. Taamaammat Naalakkersuisut periarfissanik misissuilluarnissaq kissaatigaat.

Peqqinnissaqarfik artorsareersoq Siumup ilisimaaraa. Taamaakkaluartoq immikkut qaffasissulimmik, annertusisamik suliniut nappaammut immikkut eqqarsaatigisat – Neriuffik, suliniummik ersarissaajuaraluartut artorsareertut Siumup ilisimaaraa. Saniatigut Siumumit ulluinnarni piunassutsiminnik sullissisut annertuumik suliniuteqartarnerat qamannga pisumik qutsavigerusupparput.

Siumut isumaqarpoq, suli annertusaasariaqartugut taamaammat siorna ingiallorteqarneq akuerinikuugippit qanigisat pingaarnertut najorteqartarnej annertuumik suliniutigineqarnissaanik akuersissuteqartugut, taannalu inunnut attuumassuteqartunut oqiliallaataasimassasoq Siumup naatsorsuutigaa.

Naalakkersuisut akissuteqaatiminni oqariartorput, pineqartut ilisimasalimmit ikiorneqarnissaannut aamma neqeroorut napparsimasunut qanoq isumaqarneranut tunngatillugu maannamut misilittakkat



erseqqinnerusumik takorusullugit. Taamaammat pitsanngoriaataasussanik ujartuiniarneq qanoq isikkoqassanersoq takussallugu pisariaqartoq Siumut isumaqarpoq, taamaattumillu sukkaasuumik Naalackersuisut suligasuarnissaanik inallugit, oqallisissiamik qaqitsisoq, Doris J. Jensen, Siumumit qujaffigeqqikkusupparput.

Dines Mikaelen  
Siumut